



ORGANO DE TUTMONDA ESPERANTISTA JURNALISTA ASOICO (TEJA)

## AL NOVAJ SUKCESOJ DE NIA T.E.J.A. — LABORO

### La jarkunveno de T. E. J. A. en Kopenhago

Danlando-patrujo de la pacama kaj laborema dana popolo estas la plej malgranda lando de Skandinavio. Ĝi konsistas el la duoninsulo Jylland (Jutlando) kaj multaj aliaj malpligrandaj insuloj kaj insuletoj. En ĝia tre interesa kaj bela ĉefurbo-Kopenhago okazis ĉi jare la 47-a Universala Kongreso de Esperanto. La kongresurbo situas en Sjælland (Selando), la plej granda dana insulo, kaj havas pli ol unu milionon de loĝantoj.

En unu el la salonoj de la kongresejo, en la kadroj de la fruktodona Universala Kongreso, vizitita de ĉirkaŭ 1600 esperantistoj de kvardek landoj, okazis ankaŭ nia jarkunveno. Inter la diversaj kongresaj programejoj — generalajkunvenoj, kunsidoj, ekskursoj, amuzrenkontigoj ktp., la ĵurnalistoj-esperantistoj trovis tempon por partopreni ankaŭ la jaran renkonton de la Teĵanoj.

Jen la tagordo de la kunveno de TEJA:

1) Raporto de la prezidanto de TEJA pri la ĝisnuna agado de la Estraro kaj de la Asocio;

2) Raporto de la ĉefredaktoro de „Internacia Ĵurnalistoj“ pri la stato kaj la redakto de la gazeto;

3) Proponoj pri la estonta agado de TEJA;

4) Diskutoj kaj akcepto de decidoj por laboro.

### Al novaj venkoj

Nia ŝatata prezidanto Olav Thormodsen malfermis la kunvenon per konvenaj bonvenigaj vortoj kaj bondeziro por sukcesplena

laboro de la kunveno. Li avertis la ĉeestantojn, ke en lia raporto oni ne parolos pri la celoj kaj la taskoj de TEJA, ĉar ili estas bone konataj al la Teĵanoj. La raporto tuŝos demandojn pri la organiza stato kaj la laboro de la asocia estraro por efektivigo de la noblaj celoj de nia Asocio.

En la nuntempa mondo okazas gravaj internaciaj eventoj — komencis la prezidanto. — La respegalanto de tiuj eventoj, eĉ en certa grado — iliaj provokantoj estas ni-laj ĵurnalistoj, la homoj kiuj ne nur respegas la opiniojn kaj lasopirojn de la homoj, sed, posedante en siaj manoj la potencon rimedon — la preson, la gazetaron, ni formas la socian opinion laŭ niaj kompreno. Krom tio, per nia ĵurnalista agado, ni kontribuas por la efektivigo de la celoj de UNO, de UNESKO, de la Universala Esperanto-Asocio, celantaj la proksimiĝon kaj la amikiĝon de la popoloj en la tuta mondo, senkonsidere de iliaj nacieco, raso, religio kaj kulturo, por la tufmonda paco.

Ankaŭ ĉi jare la Estraro de TEJA daŭrigis sian laboron por la plua stabiligo kaj plivigliĝo de nia Asocio kaj ĝiaj sekcioj grupoj kaj unuopaj membroj. Kaj ni devas raporti, ke en tiu rilato ni havas novajn sukcesojn. Nia membraro plimultiĝis. La interĵurnalista kunlaboro plilargiĝis. Plivastiĝis la reto de niaj filioj kaj reprezentantoj. La Estraro estis en konstanta kontakto kun siaj naciaj grupoj kaj reprezentantoj. La Estraranoj kontaktiĝis inter si per cirkuleraĵoj leteroj kaj ĉiujn problemojn pridiskutis kaj de-

cidis kolektive. Tiel la prezidanto, kiel ankaŭ la vicprezidanto Niilo Kavenius ĉiam interesiĝis pri la kurantaj kaj plenumataj aferoj. Kvankam okupita per oficialaj kaj poresperantaj laboroj, bone gvidis sian fakon ankaŭ la sekretario-kasisto Dino Fabris. Li akurate plenumis siajn devojn, regule respondis al la leteroj de la membroj.

Nia agado estis direktita al la plibonigo kaj plilargigo de la kunlaborado inter la asociataj grupoj kaj membroj. Kaj en tiu rilato estas atingitaj relative bonaj rezultoj. Multaj membroj de TEĴA interŝanĝis gazetmaterialojn, ekskursis eksterlande kaj vizitis siajn kolegojn, helpis sin reciproke. Laŭ sciigoj de nia sekretario-kasisto Fabris, nun en la Asocio membras 277 Teĵanoj.

La prezidanto tamen akcentis en sia raporto iujn mankojn en nia laboro. Ni ankoraŭ ne altiris al la Asocio ĉiujn ĵurnalistojn-esperantistojn. Eble iuj ankoraŭ scias nenion pri nia Asocio. Ne ĉiuj membroj sendis etiketilojn al la sekretario. Iuj ne pagas sian membromkotizon regule kaj tio malhelpas nian organizan laboron kaj la eldonon de „Internacia Ĵurnalistiŝto“. Ne en ĉiuj landoj estas reprezentantoj de TEĴA. Nesufiĉa estas la kunlaborado de la membroj al nia organo, kies redaktoro luktas brave por forigi la malfacilaĵojn kaj akiri kunlaborantojn.

Nia devo estas daŭrigi la raportinto-streĉi la fortojn tiel al la estraranoj, kiel aŭkaŭ al ĉiuj membroj, por venki la malfacilaĵojn kaj plibonigi nian komunan laboron. Nur tiel ni povus stabiligi la Asocion kaj efektiviĝi la starigitajn taskojn. Gravaj niaj taskoj estas plilargigi nian interĵurnalistan kunlaboradon, konigi al la ĵurnalistiŝtoj kaj al la vasta esperantista publiko niajn celojn. Krom tio ni devas aktive partopreni kiel reprezentantoj de TEĴA kaj persone en la agado de la landaj ĵurnalistiŝtaj unuigoj kaj grupoj, en la komitatoj pri UNO, UNESKO k. a. Ni farigu membroj de Universala Esperanto-Asocio, aĝemaj kunlaborantoj de CED kaj de la Informa Fakto de UEA. Tiamaniere ni sukcesplene agitos por nia afero, ni gajnos novajn membrojn kaj amikojn de TEĴA inter la esperantistoj kaj ne esperantistoj en la mondo.

En la fino de sia raportto s-ano Thormodsen diris, ke venontjare la 48-a Universala Esperanto-Kongreso okazos en la gastamlando Bulgario, en ĝia belega ĉefurbo Sofio, kie la Esperanto-movado estas vigla kaj prosperas. Tie estas la plimulto de la membraro de TEĴA. Ni esperas, ke la Universala Kongreso estos unu el la plej brilaj kaj nia venontjara ĝenerala kunveno de TEĴA

plej bone vizitata kaj ĝia laboro-plej frukto dona. Do ni preparu nin ek de nun por tiu bonega ĵurnalistiŝta renkonto.

## Nia organo „Internacia Ĵurnalistiŝto“

En sia raportto pri „Internacia Ĵurnalistiŝto“ ĝia redaktoro Ivan Keremidĉiev Esperov diris, ke nia organo antaŭnelonge jubileis sian jarkvinon. Forpasis kvin jaroj ek de la apero de ĝia unua numero. Multajn malfacilaĵojn ĝi devis trapasi-plejparte materialajn-financajn kaj organizajn ktp. Sed jam, dank' al la zorgoj de la Estraro de TEĴA kaj al la sindonaj klopodoj de ĝiaj redaktoroj kaj ties helpantoj, „Internacia Ĵurnalistiŝto“ stabiligis kaj regule aperas. Ĝi farigis vera presorgano de la tutmonda esperantista ĵurnalistiŝtaro, aktiva organizilo kaj propagandilo de TEĴA, kontribuanta ankaŭ por la sukceso de la Esperanto-movado.

Nia organizaĵo povas ekzisti kaj efike labori sen sia presorgano. Sen „Internacia Ĵurnalistiŝto“ la sukcesoj-organizaj, propagandaj, kulturklerigaj-estus dubindaj. Nia organo helpas la Asocion en la varbado de novaj membroj, en la propagando de ĝiaj ideoj kaj taskoj, en la organizado de la interĵurnalistiŝta kunlaborado-profesia kaj ĝenerala. Ĝi donas informojn pri la agado de la sekcioj, grupoj kaj de la individuaj membroj de TEĴA, ŝanĝas ilian sperton.

„Int. Ĵ-ŝto“ plibonigas sian aspekton, pliriĉigas sian enhavon. Krom la redaktoroj, por tio kontribuas ankaŭ kelkaj asociataj membroj, regule kunlaborantaj al ĝi per informoj, artikoloj k. a. Inter ili oni menciis la nomon de la vicprezidanto Kavenius-el Finnlando, A. Zednik el Ĉeĥoslovakio, N. F. Danovskij-el USSR. Liveras materialojn ankaŭ la prezidanto Thormodsen, la sekretario Fabris. La redaktoro esprimis sian dankon al ili. Plue la raportinto parolis pri la ankoraŭ ekzistantaj malfacilaĵoj-kaj precipe financaj, kiujn oni devas venki. La kvanto de la asociata membraro vere kreskas, sed ĝi ankoraŭ estas nesufiĉa helpi per sia membromkotizo finance la organon. Estas munda afero ĉe ni?! Kaj certe nur ĉe Teĵanoj. „Internacia Ĵurnalistiŝto“ aperas sen abonpagado. Nia organo estas dissendata al ĉiuj membroj tute senpage, donace. Kiu alia esperantista gazeto estas donata donace? La membromkotizo ne sufiĉas por organizaj elspezoj kaj por eldono de la organo. Ja la membromkotizo estas poĵare nur unu dolaro aŭ la egalvaloro en aliaj naciaj monunuoj. La ricevitaĵaj kotizoj kovras

nur la poŝtelspezojn por la ekspedo de la organo. Kompreneble la redakcio batalas por forigi tiun embarason. Oni laboras senpage, trovas paperon kaj aliajn presnecesaĵojn senpage, kolektas kotizojn kaj fondajon por tiu celo. Oni devas trovi ian solvon de tiu problemo. Sed unue estas necesa la regula pagado de la membrotkoto, kaj due-la pliriĉigo de la fondajon de „I. J.“

La dua demando estas-pliriĉigi la enhavon, plibonigi la aspekton de la organo. Sed ĉiuj Tejanoj estas ĵurnalistoj kaj scias, ke nur la redaktoroj de iu ajn gazeto ne povas plenumi tiun taskon. Do, tiurilate estas necesa la aktiva apogo kaj kunlaborado de ĉiuj niaj membroj. Certe estus necesa nomi aŭ ŝargi certajn kolegojn en la diversaj landoj kiel konstantajn korespondantojn de la organo.

Plue la raportinto parolis pri iuj mankoj en la redaktado kaj ekspedado de „Int. Ĵurnalistiŝto“: allaso de preseraroj, malĝustaj adresoj. Por forigi la unuan mankon la redakcio prenas iujn rimedojn. Sed por la nenigo de la dua estas necesa la helpo de la sekretario kaj de ĉiuj kolegoj kiuj povas, konstatinte erarojn en la adresoj de la membroj, averti la redakcion kaj sendi al ĝi la precizajn adresojn.

Por variigi la enhavon de la organo ankaŭ estas necesa la helpo de ĉiuj estraranoj kaj membroj. Al la redakcio estas necesaj materialoj-informoj, rapartaĵoj, artikoloj, fotoj ktp. Ĉiuj membroj havu kiel sian gravan taskon liveri al la redakcio abundajn materialojn. La redakcio de sia flanko mendos ĵurnalistajn materialojn al diversaj kolegoj. Por la plibonigo de la organo estas necesa ne nur la regula kunlaborado de la membraro, sed ankaŭ ties proponoj kaj sugestoj tiurilate.

### Al pli aktiva laboro

Post la raportoj okazis diskutoj pri la ĝisnuna agado kaj la estonta laboro de la Estraro kaj de TEJA. Unuanime oni konstatis la plivigliĝon de la asocia aktiveco. Tuŝinte la demandon pri speciala abonkoto por „Internacia Ĵurnalistiŝto“ nia kolego Nikola Aleksiev el Bulgario eldiris la opinion, ke ne estas bezonata tia koto. Sed tamen por kolekti pli da mono por la eldonado de la organo estas necese unue-kolekti regule la membrotkoton kaj due-pliriĉigi la fondajon „Int. Ĵurnalistiŝto“. La membroj de TEJA devas esti pli malavaraĵ kaj ĉu individue, ĉu kolektive, oni subtenu la fondajon. Alek-

siev parolis ankaŭ pri la tasko altiri al nia Asocio ĉiujn ĵurnalistojn kiel membrojn, altiri kiel kunlaborantojn de la organo ankaŭ ĵurnalistojn-neesperantistojn, kiuj povas sur la pagoj de „Int. Ĵurn.“ pritrakti gravajn ĵurnalistajn problemojn. La redakcio povas traduki kaj aperigi interesajn ĵurnalistajn materialojn el nacilingvaj gazetoj, kies aŭtoroj ne estas esperantistoj, sed tuŝas profesiajn demandojn. Tiamaniere ni propagandos nian aferon kaj verbos novajn adeptojn kaj membrojn. Similajn proponojn faris ankaŭ N. Nikolov el Sofia kaj aliaj ĉeestantoj.

En la diskutoj partoprenis ankaŭ la ŝatata redaktoro de nia elstara tutmonda gazeto „Heroldo de Esperanto“ s-ino Ada Figuera Sikorska. Ŝi salutis la ĉeestantajn Tejanojn en la nomo de „Heroldo“. „Multaj ĵurnalistiŝtoj-esperantistoj en la mondo certe ankoraŭ scias nenion pri Tutmonda Esperantista Ĵurnalistiŝta Asocio-diris s-ino Sikorska. — ili ne konas ties celojn kaj taskojn. Tial estas necesa per speciala cirkulero, adresita al ĉiuj Esperanto-gazetoj, al ĉiuj ĵurnalistiŝtoj-esperantistoj, ke la Estraro de TEJA klarigu ilin al ĉiuj, interesigu kaj altiru al TEJA la ĵurnalistiŝtojn.“

La redaktoro de „Heroldo de Esperanto“ promesis subteni TEJA kaj ĝian Estraron tiurilate per sia gazeto.

Post la eldiroj la ĉeestantaj Tejanoj akceptis unuanime la planon por la estonta laboro de TEJA. Oni devigis la Estraron egagi pli celdirekte por la varbado de ĵurnalistiŝtoj-esperantistoj. Tiucele ĝi sendu al ĉiuj ne membroj specialan cirkuleron. Oni ankaŭ instigu la membrojn regule pagi sian membrotkoton kaj elekti siajn landajn reprezentantojn. La Estraro estas devigita ankaŭ kontaktigi kun la internaciaj kaj la naciaj ĵurnalistiŝtunoj kaj proponoj al ili sian kunlaboradon; plibonigi kaj aktivigi la Gazetaran Servon kaj la Turisman Servon ĉe TEJA; sendi konvenajn artikolojn kaj informojn al la esperantista kaj neesperantista gazetaro por diskonigi al la ĵurnalistiŝtaro la celojn kaj la taskojn de TEJA; partopreni en la diversaj internaciaj kaj enlandaj manifestacioj de la profesiaj ĵurnalistiŝtunoj; helpi la enlandajn sekciojn, grupojn kaj unuopajn membrojn de TEJA en la organizado de nia propagando pri TEJA.

Oni devigis ankaŭ la redakcion de TEJA plibonigi kaj pliriĉigi la enhavon de „Internacia Ĵurnalistiŝto“ kaj instigi la membraron pli sinfereme subteni la fondajon de la organo.

La prezidanto de TEJA s-ano O. Thor-mosden fermis la generalan jarkunvenon de la Asocio bondezirante sanon kaj vigan la-boron de ĉiuj TEJA-anoj dum la estonta agadperiodo. Li invitis ĉiujn membrojn par-

topreni la 48-an Universalan Kongreson de Esperanto, kiu evidente estos unu el la plej brilaj. Plej amasa kaj plejbrila estos ankaŭ la jarkunveno de TEJA en Sofia, Bulgario.

## LETERO AL MIAJ KOLEGOJ en Oriento kaj Okcidento

Jurnalistoj, kiuj konas Esperanton, estas centoj. Sed bedaŭrinde multaj el ili ne membras ankoraŭ en TEJA. La plimulto el ili havas laborlokon en la redakcioj de diversaj gazetoj, radio kaj televidstacioj. Multaj el ili ankaŭ estas aktivaj membroj en siaj Esperanto-societoj kaj kluboj.

Sed kioma estas la nombro de tiuj niaj kolegoj, kiuj aperigas per aŭ prisperantajn materialojn en sia gazetoj? Persone mi ne konas kolegojn, aktivajn esperantistojn, kiuj sukcesis organizi en siaj gazetoj Esperanto-rubrikojn, kiuj ofte per Esperanto liveras materialojn-tradukitajn k. a. por publikigo. Certe estas tiaj kolegoj.

Mi mem ne povas ofte publikigi en la gazeto, kie mi oficas, multe da esperantaĵoj. La ĉefo de la gazeto kaj iuj miaj kolegoj ne rilatas tre favore al Esperanto. Sed mi spertis dum pluraj jaroj, ke se mi trovas kaj proponas iujn nelongajn kaj interesajn per kaj pri esperantajn materialojn—informojn, novaĵojn,

sciigojn ktp, ĉi tiu aperigado estas ebla, oni favore akceptas ilin. Tiajn materialojn mi aperigas ankaŭ en aliaj nacilingvaj gazetoj. Mi aperigas iam interesajn leterojn, artikolojn kaj informojn, ricevitaĵojn pere de miaj kolegoj-Tejanoj, kiujn mi tradukis el Esperanto.

Tia estas mia sperto. Tiel mi propagandas Esperanton inter miaj kolegoj. Nun mi dezirus demandi miajn eksterlandajn kolegojn, kion ili faras tiurilate? Se iuj havas pli bonan sperton kaj sukceson, ili bonvolu priskribi siajn spertojn sur la paĝoj de „Internacia Jurnalistoj“. Ĉu ankaŭ ili havas eblecon traduki el esperantaj gazetoj interesajn materialojn, kiajn oni trovas ekz. en „Nuntempa Bulgario“, kies bildoj estas bone klitsigeblaj? Ĉu iuj el la kolegoj gvidas ian Esperanto-rubrikon en sia gazeto kaj kiamaniere organizas la aferon, kiaj estas la ĝusnunaj rezultoj?

Kolegoj, priskribu vian sperton en nia organo „Int. Jurnalistoj“. La afero estas tre grava.

N. KAVENIUS

## GRAVA ANONCO POR KORESPONDEMULOJ KAJ JURNALISTOJ

Jenaj gravaj tag-kaj semajn-jurnaloj publikigas senpage korespond-petojn de eksterlandanoj, rekte senditajn el fremlando al ĝiaj redakcioj

1) — L'UNITA, ROMA — (Italio)

2) — CORRIERE DEI PICCOLI, MILANO — (Italio)

3) — IL GIORNO (DEI RAGAZZI) Corrispondenza Internazionale, MILANO — (Italio)

4) — AFTONBLADET, „Ett ögonblick redaktörn“, Vattugatan, 12, STOCKHOLM — (Svedio)

Bonvolu skribi la korespond-petojn en Esperanto kaj indiki viajn sekson, aĝon, lingvon (Esperanto aŭ aliaj) kaj deziran korespondtemon (eventuale ankaŭ viajn ŝatatajn okupojn, interesojn ktp)

## SEP TAGOJN EN HUNGARIO



Familio Hilkersberger antaŭ la forveturo ĉe la stacidomo de Vieno

Je la 5-a de majo 1962 kune kun miaj edzino kaj filino mi ekvojaĝis al Budapeŝto por partopreni la 14-an Internacian ferojistan Esperanto-Kongreson. Alveninte la hungaran limstacion Hegyeshatom ni estis surprizitaj de la solenornamita stacidomo kun multaj esperantaj kaj hungaraj flagoj. Hungara ferojisto-esperantisto renkontis kaj akompanis nin ĝis Budapeŝto.

Alveninte la orientan stacidomon de la hungara ĉefurbo, ni estis renkontitaj kaj bonvenigitaj tutkore de hungaraj gekolegoj. Per aŭtobusoj ni ĉiuj eksterlandanoj estis kondukitaj al niaj hoteloj. Nia hotelo „Margitsziget“, situanta sur la tre interesa danuba insulo „Margret“, estis unu el la plej altrangaj. Post iometa refreŝigo ni iris al la urbo. La Kongresejo troviĝis en la Kultura domo de la konstrulaboristoj, proksime al la Rionora Placo, la plej granda en la urbo. Enirinte la kongresan akceptejon nin ĉirkaŭis fortega zumado de la ĉesstanta kolegaro — 1051 esperantistoj el 20 landoj. Subite tie ĉi mi vidis ankaŭ mian malnovan amikon Ludoviko Korsos, Vidinte

### VOJAĜIMPRESOJ

ni, li elkore ĉirkaŭbrakis min kaj miajn familianojn. En 1947 li partoprenis la kongreson de la aŭs triaj ferojistoj-esperantistoj en Landeck, Tirol, kaj estis mia kara gasto. Dum ni interŝanĝis kun li rememorojn, al ni venis ankoraŭ multaj aliaj konatuloj-el Svedio, Francio k. a. Tiu ĉi interkona vespero en Budapeŝto estis por ni belega travivaĵo!


Agrablan rondvojaĝon tra la urbo ni faris la 6-an de majo dum kiu ni povis admiri la kulturtrezorejojn de Budapeŝto. Dank' al la gvidanto-hungara profesoro, ni eksciis interesajn momentojn de la historia kaj kultura evoluo de la popolo. La saman tagon ni veturis per la subtera fervojo-larua en Eŭropo, finkonstruita en 1896 okaze de la miljara datreveno de Hungario.

La trian tagon ni vizitis la grandajn magezenojn sur Rakocistrato kaj posttagmeze-la hungaran Parlamenton, belega konstruaĵo apud la riverego Danubo. Neforgesebla konstruaĵo! La saman vesperon ni partoprenis la spektaklojn de la ferojistaj kulturgrupoj, kiuj

montris sian altan altnivelon. La sekvanta tago okazis interesa ekskurso al Norda Hungario. Tie ni vizitis la grandan industrian urbon Miskolc. De tie per aŭtobusoj oni alkondukis nin en la montaran regionon, kie ni gastis al kelkaj vilaĝoj. La infanoj de tiuj vilaĝoj ĉie aspektis bonvestitaj kaj edukitaj.

Poste ni ekskursis en la Margret-insulo, kie troviĝas nia hotelo. Ĝi estas la plej vizitata ekskursloko en Budapeŝto, famekonata per sia historia pasinteco. Oni ankoraŭ povas vidi la restaĵojn de la ruinigitaj muroj de du monaĥejoj kaj pluraj preĝejoj. Sur la insulo troviĝas ankaŭ termbanejoj, grandaj sportludejoj kaj granda somer-operejo.

Sur la dekstra bordo de Danubo etendiĝas arbara montara regiono. Tie ĉi post 1948 oni konstruis la mallargrelan fervojon, kiun la registaro donacis al la junpioniroj. La junulara fervojo estas longa 12 km kaj havas 4 stacidomojn kaj unu haltejon. 35—40 infanoj mem funkciigas ĝin de la 9-a ĝis la 17-a horo. En la cetera tempo dejoras plenkreskuloj. Tie ĉi ni estis salutitaj de juna ferojisto-pioniro en bonega Esperanto.



Budapeŝto kun la rivero Danubo

La sesan tagon kun mia familio mi partoprenis la renkontiĝon de la Pac konsilantaro. Kiel membro de Mondpaca Esperanto-Movado (MEM) en Aŭstrio mi salutis la ĉeestantojn en la nomo de la aŭstria MEM-anoj.

Neforgesinda estas ankaŭ la ekskurso al la fama kaj belega lago Balaton. Tie ĉi, sur bordo de la lago, en la hotelo „Tihany“, post la tagmanĝo okazis la lasta kunsido de la 14-a Internacia Fervojista Esperanto-Kongreso. La

Ministro de la trafiko kaj poŝto — Stefano Kossa — bona esperantisto — diris kelkajn salutvortojn al la kongresanaro. Al miaj familianoj persone li daris afable: „Ni devas uzi bone nian Esperanton, ĉar ĝi estas taŭga por interamikigi kaj interpaciĝo inter la popoloj!“. Kaj li prevas. La ministro disdonis librojn donace al ĉiuj kongresdelegitoj. Estis interŝanĝitaj elkoraj ĉirkaŭbrakoj. Fine mi ricevis personan aŭtografon de la ministro sur unu bildkarto, repre-

zentanta la junularan fervojon, kun la kongresa poŝtmarko. La karton subskribis ankaŭ la eminenta hungara esperantisto Julio Baĥy.

Dum la tuta restado en Hungario ni interkontaktis kun la bonega hungara popolo, de kiu ni ricevis plej belajn kaj amikajn impresojn. Sabate, la 12-an de majo, ni ekveturis hejmen, forportante kun ni neforgesindajn impresojn pri Hungario!

Alois HILKERSBERGER  
Landeck, Tirol, Aŭstrio

## GRAVAJ SUKCESOJ

### „ESPERANTO-PRESS“

#### INTERNACIA INFORMA SERVO POR LA TUTMONDA GAZETARO

Nia malnova svisa membro, D-ro HJ. UNGER el Zŭrich, Svislando, ĉefredaktoro de la germanlingva turista revuo „Welt auf Reisen“ kaj prezidanto de la „Svisa Unuiĝo de la Ĵurnalistoj de Turismo“, akribas al ni:

Multaj TEĴA-anoj jam delonge konas la bultenojn de tiu-ĉi informa servo, ĉar ili interrilatas kun ĝi kiel kunlaborantoj aŭ korespondantoj.

Mi fondis „Esperanto-Press“ en la jaro 1917, do antaŭ 45 jaroj, kaj povas diri, ke ĝi daŭre bone funkcias. Mia ideo estis: krei informan agentejon laŭ modelo de la grandaj naciaj agentejoj (kiel ekz. „United Press“, „Associated Press“, „Tass“, „Reuter“ kaj „Agence France Press“) por pruvi, ke Esperanto estas taŭga kaj tre praktika instrumento ankaŭ por la internacia diskonigo de gazetaj informoj. Nature, ĉar ĝi estas privata entrepreno, „Esperanto-Press“ ne povas grandskale labori kaj tial mi kutime dissendas nur unu bultenon monate. „Esperanto-Press“ ankaŭ ne tuŝas politikajn aferojn, ĉar ĝi volas kaj devas esti neŭtrala pro la politika diverseco de ĝiaj korespondantoj. Kulturo, ekonomio, turis-

mo — jen sufiĉe da nepolitika, tre interesa kaj tre valora materialo!

Unufoje tamen mi rompis tiun politikan neŭtralecon, kiam mi publikigis intervjuon kun la tiama ministro-prezidanto de Nederlando, D-ro Willem Drees, pri la „indonezia problem“ — kaj mi faris tion, ĉar li traktis tiun demandon en tute paciga maniero. Tiu artikolo havis grandan sukceson: 23 gazetoj en 16 landoj reprenis ĝin (en naciilingva traduko); ĉiuj gazetoj menciis „Esperanto-Press“ kaj diris ankaŭ, ke la nederlanda ministro-prezidanto donis tiun intervjuon originale en Esperanto.

En la sfero de la internacia ĵurnalismo „Esperanto-Press“ estas bone konata: ĝia nomo estas menciata en multaj profesiaj ĵarlibroj kaj adresaroj. Cetere, de post 1949 „Esperanto-Press“ estas oficiale akceptita de la Eŭropa Oficejo de UNO en Ĝenevo, kiu rajtigis min (kiel ĉefredaktoron), ĉeesti la Ĝeneralajn Konferencojn de UNO, partopreni en la Kunsidoj de la Komitatoj kaj ricevi la ĵurnalistan dokumentaron oficiale (donitan Depost multaj jaroj „Esperanto-Press“ ankaŭ kunlaboras kun UNESKO kaj disvastigas informojn pri ties kultura agado.

D-RO HJ. UNGER

# Ricevitaj esperantaĵoj

EDMOND PRIVAT (1889—1962)

Unua oficiala bulteno — pri la 48-a Universala Esperanto-Kongreso en Sofio, 3—10 VIII 1963 kun informoj pri la lando kaj la ĉefurbo, belaj bildoj kaj aliaj notoj kaj sciigoj.

Universala Esperanto-Asocio — faldfolio kun informoj pri UEA.

Tokio 1965 — bulteno 4-paĝa kun informoj pri la 50-a Universala Kongreso de Esperanto en Japanio. Aldone ilustrita folio pri 50-a UK.

Hamburg — belege ilustrita 16-paĝa broŝureto-prospekto en Esperanto pri HAMBURG, la granda havenurbo de Germana Feder. Respubliko.

La nuna situacio kaj niaj taskoj — 46-paĝa libreto, entenanta paroladon de Maŭ Zedong. Eldono de Ĉina Esperanto — Lgo, Pekino, 1962.

Bonvenon al DANMARK kaj la danaj junulargastejoj! — 4-paĝa ilustrita prospekto pri la junulargastejoj en Danlando.

The Structure of Interlingua compared with Esperanto's structure-informa faldfolio.

La 22-an de aŭgusto j. k. mortis en Neuchâtel, Svislando, unu el la plej eminentaj kaj elstaraj esperantistoj, honora prezidanto de Universala Esperanto-Asocio verkisto kaj poeto-profesoro d-ro Edmond Privat.

D-ro Edmond Privat estis talenta ĵurnalistoj, esderantisto de 1903 j. brila oratoro pledanto por Esperanto en la Ligo de Nacio, aŭtoro de la unua biografio de Zamenhof kaj „Historio de Esperanto — 1887—1927“ aŭtoro de pluraj verkoj en Esperanto i. a. „Esprimo de sentoj en Esperanto“, „Karlo“ — populara lernolibro, originala dramo „Ginevra“. Li estis kelkfoja prezidanto de UEA, redaktoro de ĝia oficiala organo dum 14 jaroj, nelacigebla, longjara vera gvidanto de la Esperanto movado.

## NOVAĴOJ EL LA TUTA MONDO

La rakonto „Atila-dia plago“ de Petar Neznakov, kiu aperis en „Nuntempa Bulgario“ tradukita esperante de Iv. Esperov, estas retradukita de Bebe Sørensen en danan lingvon kaj aperigita en la tre populara dana ĉiutaga ĵurnalo „Vendsyssel Tidende“.

\* \* \*  
La sekcio de agrikulturaj kaj arbarkulturaj specialistoj de Bulgara Esperantista Asocio serĉas kontakton kun agrikulturaj revuoj kaj ĵurnalistoj en ĉiuj landoj. La celo estas interŝanĝi spertojn kaj sciencajn o. aĵojn pri tiu fako. Skribu al: Ŝterjo Kukuŝev, ul „Oboriŝte“ 15, Peŝtera, Bulgario.

\* \* \*  
Nia kolego Antonije Sekelj, Kondina 24, Belgrado, Jugoslavio, frato de la famekonata esploristo kaj esperantisto Tibor Sekelj (gvidanto de la „Karavano de Amikeco“) estas peranto de la artikoloj (kun fotoj), kiujn verkas lia frato survoje tra Afriko. En multaj landoj li trovis esperantistojn, kiuj akceptis ricevi, traduki kaj aperigi en siaj nacilingvaj gazetoj la artikolojn. S-ano Antonije Sekelj petas la membrojn de TEĴA, kiuj deziras ricevi de li similajn artikolojn kaj aperigi ilin en siaj landaj gazetoj kaj aliaj periodaĵoj, sendi siajn adresoj al la supreprecita adreso.

\* \* \*  
Mag. Roman Dobrzynski, Warszawa 44, Grochowska 142, Pollando, finas la ĵurnalsman fakon de la Varsovia Universitato kaj laŭ konsento, esprimita tre favore flanke de la fakautoritatoj de la Universitato, preparas sian diplomon verkon pri la temo „La funkcioj de la Esperanta gazetaro.“

S-ano Dobrzynski petas la membrojn de TEĴA helpi lin por prepari sian diplomon laboron. Li atendas de ĉiuj fakuloj kaj kolegoj opiniojn, rekomendojn, konsilojn kaj gazetmaterialojn pri la menciita temo.

Membroj de T. E. Ĵ. A., senprokraste pagu vian riembrokotizon por 1962! Malavare subtenu la fondaĵon „Internacia Ĵurnalistoj“! Anoncu viajn korektajn adresojn al la redakcio de „I. Ĵ.“

## AL PLI VIGLA KUNLABORADO INTERJURNALISTA

En „Nuntempa Bulgario“ aperis antaŭnelonge recenzo pri „Internacia Ĵurnalisto“. En ĝi oni montris la modelan laboron de nia reprezentanto A. V. Zednik en Ĉeĥoslovakio. Okaze de tio s-ro Zednik sendis leteron al „Nunt. Bulg.“ En ĝi li interalie skribas:

Pluraj miaj korespondantoj sin turnas al mi, pe- tante mian helpon kaj kunlaboradon. Ilia deziro estas tre bona. Bedaŭrinde, pro troa supersuteco, mi ne ĉiam povas kontentigi iliajn petojn. Mi siaflanke petas aliajn ĵurnalistojn bonvole help- iliu en ilia redakta kaj traduka laboro. Ekzemple:

J. Kurn, Merivälja 15-2, Tallin 21 Me- rivälja, Estona SSR, Sovetunio, sukcesig- elsendi per la estona radio (en estonlingva traduko) du ĉeĥajn teatraĵetojn, senditajn de mi en Esperanto. Li petas plurajn tiajn kunlaboraĵojn, eĉ la estona ra- dio mem petas pri tio. Estus dezirinde, ke an- kaŭ aliaj kolegoj sendu similajn materialojn al la radio, rilatantajn al la nuntempa vivo de la labori- staro.

Lu Chin-cheng, Nordokcidenta Kole- gio de Agrikulturo, Wukung, Shansi Ĉinio. Li serĉas por tieaj gazetoj aŭ regionaj tag- ĵurnaloj mallongajn beletristikajn materialojn-rakon- tojn (2000 ĝis 3000 vortoj) el la nuntempa vivo de la socialismaj landoj.

Nguyen van Nghinh, N-ro 80, Hang Quat, Hanoj, Vjetnamio — bezonas por tiea ĵurnalo romanon en franca lingvo, tradukitan el na- cia lingvo pri la nuntempa vivo de la laboruloj.

**Pro pliiĝustigo de la adresoj de la Teĵanoj la redakcio de „I. J.“ daŭrigos lian aperigon en la sekvanta n-ro de la or- gano.**

**Gekolegoj, aktive kunlaboru al via organo „Internacia Ĵurnalisto“!**

## ESTRARO DE T. E. J. A.

*Prezidanto Qlav Thormodsen, Box 132, Haugesund, Norvegio.*

*Vicprezidanto — Nillo Kavenius, Niklaksenkati 10/14, Turku 9, Finnlando.*

*Sekretario-kasisto — Prof. Dino Dino Fabris, Borgo Bassano 5, Citta- dalla (Padova), Italio.*

*Redaktoro — Ivan Keremidĉiev — Esperov, bulv. Hristo Botev 98, Sofia 2, Bulgario.*

*Membroj: Tukaĉ Zeljko, Boškoviĉeva 24, Zagreb, Jugoslavio, kaj Jerzy Grum, Materjki 16/8, Wroclaw, Pollando.*

## KOMITATANOJ DE T. E. J. A.

*Ĉinio — Shi Si-wei ĵurnalista fako, Pekina Universitato, Ĉing.*

*Danlando — G. Jepsen, Skovvan- gen 17, Silkeborg.*

*Rumanio — Stejan Freamat, strato Gabriel Peri 4, Bucuresti.*

*Sovet-Unio — N. F. Danovskij, Metrostroevskaja 3/14 kv. 1 Moskva G-34 (nova adreso).*

*Vietnamio — Dao-anh kha, Nô Qu- ðcte-nou Bv Viet-nam, Hanoj (via USSQ).*

*Israelo — Oskar Berman, 6, Kikar Malchaj Israel, Tel Aviv (nova adreso).*

*Svedio — Karen Salmose, Sundberg Girmstagan 59, 1 tr. Vällingby, Stokholm.*

*Hindio — Suderio Buttano, Alaski Plots, Avola (Vidarbha).*

*Indonezio — Ch. Sj Datoe Toemeng- gueng, Pintu Besi 39, Djakarta.*